

古今圖書集成

中華書局影印

第七四七冊

經濟彙編

戎政典

校閱部

田獵部

兵法部

(卷)

七—十四

十五—十八

十九

古今圖書集成

中華書局影印



欽定古今圖書集成經濟彙編戎政典

第七十卷目錄

校閱部彙考四

宋二 高宗建炎三則 紹興十則 孝宗乾道
五則 淳熙七則 光宗紹熙二則 寧宗
宗慶一則 端平一則 嘉熙一則 淳祐一
則 度宗咸淳四則
金二 太宗天會一則 世宗大定二則 章宗明
昌一則 承安二則 泰和一則
元二 世祖中統一則 至元六則 成宗大德一
則 武宗至大一則 仁宗皇慶一則 英
祐二則 英宗至治一則 泰定帝泰定二則

戎政典第七十卷

校閱部彙考四

宋二

高宗建炎元年始頒樞密院教閱法又令河淮海江
帥習水師

按宋史高宗本紀不載 按兵志高宗建炎元年始
頒樞密院教閱法專習制禦推鋒破敵之藝全副執
帶出入短椿神臂弓長柄刀馬射穿甲木挺每歲假
春秋教閱法立新格神臂弓日給箭二十射親去梁

百二十步刀長丈二尺以上氈皮裹之引鬬五十二
次不令刀頭至地每營選二十人閱習經兩閱者五
十人爲一隊教習分合隨隊多少分隸五軍每軍各
置旗號前軍緋旗飛鳥爲號後軍皂旗龜爲號左軍
青旗蛟爲號右軍白旗虎爲號中軍黃旗神人爲號
又別以五色物號制招旗分旗舉招旗則五軍以旗
相應合而成陣舉分旗則五軍以旗相應分而成隊
左右前却或分藏爲伏或分出爲奇皆舉旗爲號更
鳴小金應鼓備瞻望不及者豫約伏藏之所緩鳴小
金卽止急鳴應鼓卽奇兵出陣趨戰急鳴小金卽伏
兵出其春秋大教推賞依海行格法李綱言水戰之
利南方所宜沿河淮海江帥府要郡宜倣古制造戰
船以運轉輕捷安穩爲良又習火攻以焚敵舟詔命
楊觀復往江浙措置河淮別委官

建炎二年閱江淮州郡水軍

按宋史高宗本紀建炎二年冬十月甲寅命揚州潛
陰修城閱江淮州郡水軍

建炎三年詔閱槍杖手親閱水軍于登雲門

按宋史高宗本紀建炎三年七月乙巳詔江西閩廣
荆湖諸路團教峒丁槍杖手 按兵志三年親閱水
軍于鎮江登雲門外 按禮志三年六月高宗諭輔

臣曰朕欲親閱武宰臣呂頤浩曰方右武之時理當
如此祖宗時不忘武備如鑿金明池益欲習水戰張
浚曰祖宗每上已游幸必命衛士馳射因而激賞亦
所以講武也帝曰朕非久命諸將各閱所部人馬當
召卿等共觀足以知諸將能否後以巡幸不果行
紹興三年詔諸路帥司措置教閱

按宋史高宗本紀不載 按山堂考索紹興三年十
二月辛亥司封員外郎鄭士彥奏國以兵故強兵以
教故精孔子曰以不教民戰是謂棄之甚言其教之
不可廢也惟國家方承平之際禁軍教習之法最嚴
且密况當艱虞之時其可忽諸方今諸州軍往往充
占椿畱實妨教閱大抵以將迎爲急務而以教習爲
虛文伏望深詔有司參酌祖宗成法申嚴而行之每
州遴選兵官三兩員專主教習庶責任嚴而成效速
歲終則較其精粗而賞罰之如此則兵精而國振矣
詔劉興諸路帥司措置施行

紹興四年詔團教弓手土兵又閱神武中軍

按宋史高宗本紀四年冬十月丁酉詔州縣團教弓
手土兵 按兵志紹興四年詔內殿校閱神武中軍
官兵推賞

紹興五年詔諸州選習弓弩始御射殿閱武

按宋史高宗本紀紹興五年春正月庚申置諸州軍
教場選兵專習弓弩立格按試 按禮志紹興五年
正月始御射殿閱諸班直殿前司諸軍指教使臣親
從宿衛親兵并提轄部押親兵使臣射共一千二
百六十人每六十人作一撥遂詔戶部支金千兩付
樞密院激賞庫充犒用三月御射殿閱等子趙青等
五十人角力轉資支賜錢銀有差八月御射殿閱廣
東路經略司解發到韶州士庶子弟陳裕試神臂弓
特補進武校尉賜紫羅窄衫銀束帶差充本路經略
司指使
紹興八年春正月丁未大閱張俊軍
按宋史高宗本紀云云

紹興十四年閱試三衙將士立冬教法

按宋史高宗本紀紹興十四年十一月甲子復內教即禁中閱試三衙將士 按禮志十四年十一月開殿前馬步軍將士藝精者賞有差自是歲以冬月行之號曰冬教

紹興二十四年申嚴舊制教閱州郡禁卒

按宋史高宗本紀不載 按兵志二十四年臣僚言州郡禁卒遠方縱弛多不訓練春秋教閱臨時備數乞申嚴舊制

紹興二十九年二月戊戌命廣西教閱峒丁

按宋史高宗本紀云云

紹興三十年七月詔閱禁兵十月御射殿引諸統制統領教射

按宋史高宗本紀紹興三十年秋七月甲申詔諸路帥司春秋教閱禁兵弓弩手 按禮志三十年十月御射殿引三衙統制同統制統領同統領入內射射詔餘合赴內殿教人依年例支降例物令逐司自行按試等第給散

按宋史高宗本紀紹興三十一年五月壬辰選兩浙江東福建諸州禁軍弓弩手之半部送樞密院按試

秋七月丙子詔諸路帥臣教閱土兵弓手 按兵志三十一年詔比聞諸路州廂禁軍土軍有司擅私役妨教閱帥府其嚴責守兵勤兵歸營訓練精熟以備點視

紹興三十二年御射殿閱射

按宋史高宗本紀不載 按禮志三十二年四月二十五日御射殿隔門特坐引呈新舊行門射射

孝宗乾道二年幸白石教場大閱

按宋史孝宗本紀乾道二年十一月甲子大閱 按禮志乾道二年十一月幸候潮門外大教場次幸白石教場應從駕臣僚自祥曦殿並戎服起居從駕往回內管軍御帶環衛官從駕幸執以下免從就還幕次賜食俟進晚膳畢免奏萬福并免茶從駕還內二十四日幸候潮門外大教場進早膳次幸白石教場閱兵三衙率將佐等導駕詣白石皇帝登臺三衙統制統領官等起居畢舉黃旗諸軍皆三呼萬歲拜訖三衙管軍奏報取旨馬軍上馬打圍教場舉白旗三司馬軍首尾相接舉紅旗向臺合圍聽一金止軍馬各就圍地作圓形排立射生官兵隨鼓聲出馬射獐兔一金止疊金射生官兵各歸陣隊舉黃旗射生官兵就御臺下獻所獲帝遂慰勞賜賚諸將鞍馬金帶以及士卒諸軍權騰鼓舞就列百姓觀者如山時久陰噎暨帝出郊雲霧解駭風日開齊帝遣諭主管殿前司王琪等曰前日之教師律整嚴人無譁囂分合應度朕甚悅之皆卿等力也琪等曰此陛下神武之化六軍恭謹所致臣願得以此為陛下下剪絕姦宄

又按兵志乾道二年幸候潮門外次幸白石閱兵三衙率將佐道駕射至官兵就御臺下獻所獲是日有數將獨手運大刀上日刀重幾何李舜舉奏刀皆重數十斤有旨卿等教閱精明又論陳敏曰軍馬衣裝整肅如此特賜賚鞭馬金帶士卒推賞有差

乾道四年大閱於東茅灘教場

按宋史孝宗本紀乾道四年正月戊辰籍荆南義勇民兵增給衣甲遇農隙日番教冬十月甲辰大閱

按禮志四年十月殿前司官相視龍王臺北江岸以東茅灘一帶平地可作教場已修築將臺將來三司馬步軍並各全裝披帶衣甲執色器械至日先赴教場下管排辦俟駕登臺聽金鼓起居畢依資次變陣教閱所有聖駕出郊除禁衛外欲於本司入陣馬軍內摘差護聖馬軍八百人騎弓箭器械作十六隊於儀衛前後引從各分八隊隊各五十人往回沿路各奏隨軍鼓笛大樂及摘差本司入教陣隊內諸軍步親隨一千人并統領將官三員至日先赴將臺下各分左右於後壁周圍留空地三十步以容禁衛外作三重環立十六日車駕至灘上諸軍人馬前一日於教場東列幕宿營是日三衙管軍與各軍統領將佐導駕乘馬至護聖步軍大教場亭更御甲冑至灘上皇帝登臺三衙起居畢權主管殿前司王遠奏三司人馬齊舉黃旗諸軍呼拜者三遠奏請從頭教閱中軍鳴角側門角旗出營馬步軍簇隊成收鼓訖連三鼓馬軍上馬步人撮起旗槍四鼓舉白旗中軍鼓聲旗應變方陣為備敵之形別高一鼓步軍四向作架敵之勢且戰且前馬軍出陣作戰鬪之勢別高一鼓各分歸地分五鼓舉黃旗變陣為自環內固之形如前節次訖三鼓舉赤旗變陣諸軍相屬魚貫斜列前利後張為衝敵之形亦依前節次訖王遠奏人馬教絕取旨舉青旗變放教直陣收鼓訖一金止重鼓三馬軍下馬步人輓落旗槍皆應規矩帝大悅犒賞倍之士卒歡呼謝恩如儀鳴角聲簇隊放教拽

按宋史高宗本紀不載 按禮志三十二年四月二十五日御射殿隔門特坐引呈新舊行門射射

孝宗乾道二年幸白石教場大閱

按宋史孝宗本紀乾道二年十一月甲子大閱 按禮志乾道二年十一月幸候潮門外大教場次幸白石教場應從駕臣僚自祥曦殿並戎服起居從駕往回內管軍御帶環衛官從駕幸執以下免從就還幕次賜食俟進晚膳畢免奏萬福并免茶從駕還內二十四日幸候潮門外大教場進早膳次幸白石教場閱兵三衙率將佐等導駕詣白石皇帝登臺三衙統制統領官等起居畢舉黃旗諸軍皆三呼萬歲拜訖三衙管軍奏報取旨馬軍上馬打圍教場舉白旗三司馬軍首尾相接舉紅旗向臺合圍聽一金止軍馬各就圍地作圓形排立射生官兵隨鼓聲出馬射獐兔一金止疊金射生官兵各歸陣隊舉黃旗射生官兵就御臺下獻所獲帝遂慰勞賜賚諸將鞍馬金帶以及士卒諸軍權騰鼓舞就列百姓觀者如山時久陰噎暨帝出郊雲霧解駭風日開齊帝遣諭主管殿前司王琪等曰前日之教師律整嚴人無譁囂分合應度朕甚悅之皆卿等力也琪等曰此陛下神武之化六軍恭謹所致臣願得以此為陛下下剪絕姦宄

又按兵志乾道二年幸候潮門外次幸白石閱兵三衙率將佐道駕射至官兵就御臺下獻所獲是日有數將獨手運大刀上日刀重幾何李舜舉奏刀皆重數十斤有旨卿等教閱精明又論陳敏曰軍馬衣裝整肅如此特賜賚鞭馬金帶士卒推賞有差

乾道四年大閱於東茅灘教場

按宋史高宗本紀乾道四年正月戊辰籍荆南義勇民兵增給衣甲遇農隙日番教冬十月甲辰大閱

按禮志四年十月殿前司官相視龍王臺北江岸以東茅灘一帶平地可作教場已修築將臺將來三司馬步軍並各全裝披帶衣甲執色器械至日先赴教場下管排辦俟駕登臺聽金鼓起居畢依資次變陣教閱所有聖駕出郊除禁衛外欲於本司入陣馬軍內摘差護聖馬軍八百人騎弓箭器械作十六隊於儀衛前後引從各分八隊隊各五十人往回沿路各奏隨軍鼓笛大樂及摘差本司入教陣隊內諸軍步親隨一千人并統領將官三員至日先赴將臺下各分左右於後壁周圍留空地三十步以容禁衛外作三重環立十六日車駕至灘上諸軍人馬前一日於教場東列幕宿營是日三衙管軍與各軍統領將佐導駕乘馬至護聖步軍大教場亭更御甲冑至灘上皇帝登臺三衙起居畢權主管殿前司王遠奏三司人馬齊舉黃旗諸軍呼拜者三遠奏請從頭教閱中軍鳴角側門角旗出營馬步軍簇隊成收鼓訖連三鼓馬軍上馬步人撮起旗槍四鼓舉白旗中軍鼓聲旗應變方陣為備敵之形別高一鼓步軍四向作架敵之勢且戰且前馬軍出陣作戰鬪之勢別高一鼓各分歸地分五鼓舉黃旗變陣為自環內固之形如前節次訖三鼓舉赤旗變陣諸軍相屬魚貫斜列前利後張為衝敵之形亦依前節次訖王遠奏人馬教絕取旨舉青旗變放教直陣收鼓訖一金止重鼓三馬軍下馬步人輓落旗槍皆應規矩帝大悅犒賞倍之士卒歡呼謝恩如儀鳴角聲簇隊放教拽

按宋史高宗本紀乾道四年正月戊辰籍荆南義勇民兵增給衣甲遇農隙日番教冬十月甲辰大閱

按禮志四年十月殿前司官相視龍王臺北江岸以東茅灘一帶平地可作教場已修築將臺將來三司馬步軍並各全裝披帶衣甲執色器械至日先赴教場下管排辦俟駕登臺聽金鼓起居畢依資次變陣教閱所有聖駕出郊除禁衛外欲於本司入陣馬軍內摘差護聖馬軍八百人騎弓箭器械作十六隊於儀衛前後引從各分八隊隊各五十人往回沿路各奏隨軍鼓笛大樂及摘差本司入教陣隊內諸軍步親隨一千人并統領將官三員至日先赴將臺下各分左右於後壁周圍留空地三十步以容禁衛外作三重環立十六日車駕至灘上諸軍人馬前一日於教場東列幕宿營是日三衙管軍與各軍統領將佐導駕乘馬至護聖步軍大教場亭更御甲冑至灘上皇帝登臺三衙起居畢權主管殿前司王遠奏三司人馬齊舉黃旗諸軍呼拜者三遠奏請從頭教閱中軍鳴角側門角旗出營馬步軍簇隊成收鼓訖連三鼓馬軍上馬步人撮起旗槍四鼓舉白旗中軍鼓聲旗應變方陣為備敵之形別高一鼓步軍四向作架敵之勢且戰且前馬軍出陣作戰鬪之勢別高一鼓各分歸地分五鼓舉黃旗變陣為自環內固之形如前節次訖三鼓舉赤旗變陣諸軍相屬魚貫斜列前利後張為衝敵之形亦依前節次訖王遠奏人馬教絕取旨舉青旗變放教直陣收鼓訖一金止重鼓三馬軍下馬步人輓落旗槍皆應規矩帝大悅犒賞倍之士卒歡呼謝恩如儀鳴角聲簇隊放教拽

按宋史高宗本紀乾道四年正月戊辰籍荆南義勇民兵增給衣甲遇農隙日番教冬十月甲辰大閱

除步人分東西引拽馬軍交頭於御臺下隨除呈試
驍銳大刀武藝繼而進呈車砲火砲煙槍及赭山打
圍射生馬步軍統制官蕭鵬巴以所獲獐鹿等就御
臺下進獻人馬拽絕皇帝復御常服乘馬至車子院
宣喚殿前司撥發官馬定遠侯彥昌各賜馬一匹彥
昌仍自準備將特陞副將進御酒上謂王達曰今日
教閱進止分合軍律整肅皆卿之力也達奏陛下神
武四海共知六師軍容孰敢不肅時賜酒俱以十分
達奏以軍馬事不敢飲帝曰少飲之親減大半飲畢
謝恩退又宣問主管侍衛馬軍司李舜舉今日按閱
之兵比向時所用之師何如舜舉奏曰今日所治之
兵皆陛下平時躬親訓練撫以深恩賜之重賞忠勇
百倍非昔日可比

其儀皇帝至祥曦殿行門禁衛等並戎服迎駕常
起居皇帝至知閣門官以下並戎服常起居訖皇
帝乘馬出從駕官從駕至候潮門外大教場御帳
殿下馬入帳更衣訖皇帝被金甲出帳行門禁衛
等迎駕奏萬福皇帝乘馬至教場臺下馬升臺入
帳從駕官宰執親王使相正任知閣御帶環衛官
升臺於帳殿分東西相向立管軍並令全裝衣甲
帶御器械執骨朵升臺於帳殿稍南面西立俟入
內官喝排立皇帝出帳行門禁衛等迎駕奏萬福
皇帝出閣門分引殿前馬步二司統制統領官常
起居訖次三司將佐以下聽鼓聲常起居次殿帥
執骨朵赴御座前奏教直陣侯教閱畢再赴御座
前奏教圓陣侯教閱畢再赴御座前奏教銳陣侯
教閱畢再赴御座前奏教閱畢歸侍立內侍傳旨

與殿前大尉某諸軍謝恩承旨訖轉與撥發官引

三司統制統領將佐再拜謝恩訖各歸本軍皇帝

起入帳更衣訖皇帝出帳皇帝坐舍人引宰執敦

後立俟進御茶牀舍人贊就坐宰執躬身應諾訖

直身立就坐進第一盞酒起立敦後俟皇帝飲酒

訖舍人贊就坐躬身應諾訖直身立俟宰執酒至

接盞飲酒訖盡付殿侍次舍人贊食並如儀至第

四盞傳旨宣勸訖御藥傳旨不拜舍人承旨贊不

拜贊就坐第五盞宣勸如第四盞儀酒食畢舉御

茶牀舍人分引宰執於帳殿重行立御藥傳旨不

拜舍人承旨訖揖宰執躬身贊不拜各祇候直身

立降踏道歸幕次皇帝起乘馬至車子院下馬皇

帝出帳至車子院門樓上出賜親王酒再拜謝訖

次賜使相正任並管軍知閣御帶環衛官酒訖逐

班再拜謝訖依舊向立次親王執盞進皇帝酒皇

帝飲酒訖一班再拜謝訖俟皇帝觀畢起降車子

院門樓歸帳親王以下退皇帝乘馬出車子院門

行門禁衛等迎駕奏萬福皇帝乘馬至候潮門外

大教場應從駕官並戎服乘馬從駕回皇帝乘馬

入和寧門至祥曦殿上下馬還宮餘倣此

按兵志四年辛茅灘教閱舉黃旗連三鼓變方陣五

鼓舉白旗變圓陣次二鼓舉赤旗變銳陣青旗變直

陣畢事上大悅賞賚加倍兵分東西呈大刀火砲上
問李舜舉按閱比曩時如何舜舉奏今日之兵陛下
親訓練撫以深恩賜以重賞忠勇倍常
乾道六年大閱
按宋史孝宗本紀乾道六年十二月戊申大閱

乾道 年定弓箭手弩手斗力

按宋史孝宗本紀不載 按兵志乾道中詔弓箭手

元射一石四斗力升加三斗元射一石力升加五斗

弩手元射四石力升加五斗元射兩石七斗力升加

八斗進秩推賞有差宰執進射親賞格虞允文曰拍

試以斗力升請給今用射親定賞恐不滿意斗力上

曰然他日惟強弓弩可以取勝若止習射親則斗力

不進此賞格不須行

乾道七年詔習水軍又點閱荆襄軍馬

按宋史孝宗本紀七年三月乙亥詔訓習水軍五月

遣知閣門事王樸點閱荆襄軍馬

淳熙元年夏四月乙亥詔四川宣撫司教閱諸州將

兵

按宋史孝宗本紀云云

淳熙四年正月詔內外諸軍歲一閱水軍歲再閱十

二月大閱

按宋史孝宗本紀四年春正月戊申詔自今內外諸

軍歲一閱庚申詔沿江諸軍歲再習水戰十二月乙

亥大閱 按禮志淳熙四年十二月大閱於茅灘

按山堂考索淳熙四年八月壬申樞密院奏已降指

揮令諸州軍有御前屯駐或分屯軍馬去處將見教

閱禁軍差官部轄附大軍一就教閱所有不繫駐劄

并分屯軍馬州軍禁軍自合逐州教閱切慮因而廢
弛理宜申飭詔令諸路帥司行下所部州軍守臣嚴
行責委兵官將見管禁軍精加教閱不測差官前去
拍試如有武藝退惰具當職官姓名按劾施行
淳熙五年二月辛未申嚴武臣呈試法

按宋史孝宗本紀云云

淳熙十年幸龍山大閱

按宋史孝宗本紀淳熙十年十一月甲戌幸龍山大閱

按乾淳御教記壽皇畱意武事在位凡五大閱

文士馬戈甲旌旗之盛雖各不同今撮其要以著於

此先一日諸軍人馬金裝執色於教場東布列軍幕

宿營至日殿前馬步諸軍先赴教場下方營并親隨

軍排列將壇之後實明三衙管軍官並金裝從駕上

自祥曦戎服乘馬太子親王宰執近臣並戎服乘馬

以從護聖馬軍八百騎分執鎗旗弓矢軍器前後奏

隨軍番部大樂等駕入教場升幄殿殿帥執搦躬奏

諸司人馬排立齊舉黃旗招諸軍向御殿柳子一鼓

唱喏一鼓呼萬歲再一鼓又呼萬歲疊鼓呼萬萬歲

又一鼓唱喏殿帥奏取聖旨鳴角發嚴上御金裝甲

胄登將壇幄殿鳴角戒嚴殿帥奏取聖旨馬步軍整

隊成屯以備教戰連三鼓馬軍上馬步軍起旗槍分

旨謝恩如前唱喏訖駕出教場是日太上皇於都亭
驛設簾幄以觀駕至邀上入幄宣喚管軍官賜大金
碗酒於簾外都人贊歎以為盛觀時殿司旗幟以黃
馬司以緋步司以白以道路隘促止用從駕軍一萬
二千四百人分為二百四十八小隊戈甲耀日旌旗
蔽天連亙二十餘里繁如錦繡都人縱觀以為前所
未有凡支犒金銀錢帛以鉅萬計悉出內庫戶部不
與焉

御教文物儀衛並同四孟駕出今止添入後項

彈壓前隊侍立使臣都轄

執黃龍旗使臣 執繡龍旗使臣

帶弓箭汗勝豹尾使四員

帶汗勝員騎劍使臣十員

彈壓後隊侍立使臣都轄

黃羅戲珠龍旗 黃繡龍旗二

豹尾使臣四 員騎劍使臣十人

供進馬四匹 帶甲御馬

御前金裝甲馬 管押使臣幕士

內中正供馬 獸醫押槽

黃繡龍傳宣旗二 小龍傳宣旗十

隨逐巡視官 馬院禁衛官

引馬監官二員 供馬監官二員

聖駕供鞭通管二員 撥梢提轄二員

日鳥獨脚旗 挾駕指揮四十二人

銷金龍旗二 犀皮御座椅

鈐鎚刀子左 匙筋刀子右

青氈御笠 褐氈御笠

金鳳瓶

御膳篋子

馬腦子闊刀

金洗嗽

通犀子闊刀

酒甕子大小

白豹皮杖槓

黑漆套盤

銷金弓箭葫蘆

飲水角

哨笛四

彈壓樂器使臣

杏黃龍旗二

札子九

龍笛四

從駕官宰臣已下並如常日

淳熙十一年選練萬弩手

按宋史孝宗本紀十一年二月詔兩淮京西湖北萬

弩手令在家閱習每州許歲上材武者二人試授

以官如四川義士之制

淳熙十六年光宗即位大閱於城南大教場

按宋史光宗本紀十月甲寅大閱 按禮志淳熙十

六年十月大閱於城南大教場並如上儀

按老學庵筆記淳熙己酉十月二十八日車駕幸候

潮門外大教場大閱是日上早膳畢出郊從駕臣僚

及應奉官並戎服擲帶子著鞞大閱畢丞相親王以

下賜茶是日駕出麗正門入和寧門沿路官司免起

居

淳熙 年立槍手及射鐵簾格

按宋史孝宗本紀不載 按兵志淳熙開立槍手及射鐵簾格上謂輔臣曰聞射鐵簾諸軍鼓躍奮厲周必大曰兵久不用此輩無進取自然氣惰今陛下激勸告戒人人皆勝兵於是殿前步軍司諸軍及馬軍舊司弓弩手射鐵簾合格兵共一千八百四十餘詔中殿簾弓弩手一石二斗力十箭弩手四石力八箭依格進兩秩各賜錢百緡弓弩手一石力十箭以上弩手三石力八箭各進兩秩詔中外諸軍賞格亦如之

光宗紹熙元年詔習水軍及諸路禁軍

按宋史光宗本紀不載 按兵志紹熙元年詔殿司許浦水軍并江上水軍歲春秋兩教外每月輪閱習沿海水軍進是知徽州徐誼言諸路禁軍近法以十分爲率二分習弓六分習弩餘二分習槍牌弓者聽兼習弩斗力可以觀其進退射親可以察其能否勤惰之實人有稽考詔下諸路遵守之執政胡晉臣言比年用射鐵簾推賞往往獲遷秩是亦足以作成人才上曰射鐵簾不難此賞格太濫其專以武藝精熟爲尚

紹熙二年訓練弓箭手弩手擇優等者升秩

按宋史光宗本紀不載 按兵志二年樞密院言殿步司諸軍弓箭手帶甲六十步射一石二斗力箭十二六箭中垛爲本等弩手帶甲百步射四石力箭十二五箭中垛爲本等槍手駐足舉手擲刺以四十擲爲本等主帥委統制統領較其藝本等外取升加多

者每軍五千五百人以上弓弩槍手各十五人詣主帥審實上樞密院覆試各擇優等二人升轉兩秩餘人給錢五緡俟將來再試

寧宗慶元元年大閱

按宋史寧宗本紀冬十月己卯詔三省樞密院條上合教諸軍例十一月丁未命宰執大閱 按禮志慶元元年十月以在諒闇令宰執於大教場教閱

慶元二年大閱

按宋史寧宗本紀慶元二年冬十月甲戌大閱 按禮志慶元二年十月大閱於茅灘 按兵志慶元二年幸候潮門外大閱

嘉泰二年大閱

按宋史寧宗本紀嘉泰二年十二月庚寅大閱 按禮志嘉泰二年十二月幸候潮門外教場大閱 按兵志嘉泰二年詔將按閱諸軍賞資依慶元二年增給

嘉泰三年命以仲冬教閱民兵萬弩手

按宋史寧宗本紀嘉泰三年冬十月丙子命兩淮諸州以仲冬教閱民兵萬弩手

開禧二年六月戊戌命諸路安撫司教閱禁軍

按宋史寧宗本紀云云

理宗寶慶二年禁私役禁軍

按宋史理宗本紀不載 按兵志寶慶二年莫澤言州郡禁軍平時則以防寇盜有事則以備戎行實錄於朝廷非州郡可得私役比年州郡軍政廢廢客於廩給闕額恆多郡官主兵官有窠占寓公有借事存留者不什一當教閱時鈴總路分雖號主兵僅半虛

籍莫敢號召人教之次坐作進退殆同兒戲守臣利虛券不招填主兵受厚賂改年甲且一兵請給歲不下百緡以小計之一郡占三百人是虛費三萬緡也私役禁軍素有常憲守帥關園池建第宅不給餐錢寓公去城遠絕類得借兵擾害鄉閭近而輔郡至有寓公占四五百兵者良由兵官之權輕而私占之禁弛也乞嚴戒監司守倅等止許借廂軍仍不得妨教閱餘官雖廂軍亦勿借

端平二年夏四月戊子大閱

按宋史理宗本紀云云 按禮志端平二年四月大閱以時暑不及行

嘉熙四年閱軍頭司武伎

按宋史理宗本紀不載 按續文獻通考嘉熙四年閏十二月閱軍頭司武伎

淳祐十一年嚴申軍匠歸營訓練

按宋史理宗本紀不載 按兵志淳祐十一年臺臣條陳軍匠不開閱習之弊按舊制禁兵無私役比歲凡州軍屯營駐劄之處多循舊習每一州軍匠無慮數百官無小大各占破而雕鏤組繡攻金設色之事靡所不有工藝雖精擊刺不習設有小警何能授甲乞嚴申帥守及統兵官應軍匠聽歸營伍開習訓練勿競作無益虛糜廩稍以防軍實

按續文獻通考淳祐十一年十二月上諭輔臣曰邊事未息武備當嚴五兵所先莫如弧矢昔世衡守青澗日教習射羌人畏之其法可以推行詔令諸路帥閫守臣講明區畫詳議激勵使各令自衛鄉井弓弩簡隻聽從其便

度宗咸淳元年按閱沿江軍防

按宋史度宗本紀咸淳元年八月庚辰命陳奕沿江

按閱軍防賜錢二十萬給用

咸淳 年嚴將領在軍訓練

按宋史度宗本紀不載 按兵志咸淳初臣僚言諸

軍統領統制正將副將正欲在軍訓練閑於武事一

有調用令下即行士悉將智將悉士勇所向無敵今

江兩州郡沿江制置置帳前官專任營運不為軍計

實為家謀絕無戰陣新功率從帳前升差大略一軍

僅二三千而使臣至五六百以供雜役

按續文獻通考淳祐中董槐知建康府時軍政弛弗

治乃為賞三等以教射歲餘盡為精銳矣

咸淳二年詔諸將帥訓練

按宋史度宗本紀咸淳二年五月癸丑詔諸節制將

帥討軍實節浮費毋占役兵士致妨訓練

咸淳九年以新招軍分隸諸隊定期上各郡閱試

按宋史度宗本紀不載 按兵志九年臣僚言比者

招募軍兵一時徒取充數以觀賞格渥刺之後更不

教閱主兵官苦以勞役日夜罔休一或少違即罹固

圍榜掠之酷兵不堪命而死者逃者接踵也今請以

新招軍分隸諸隊使之熟紀律習事藝或旬或月上

各郡閱試蓋弊至於此而訓練之制大壞矣

金

太宗天會三年詔揀閱善射勇健之士以備宋又遣

官閱諸路丁壯赴軍

按金史太宗本紀天會二年八月壬子詔有司揀閱

善射勇健之士以備宋

按續文獻通考天會三年十月詔分遣鶴沙虎等十

三人閱諸路丁壯調赴軍

世宗大定二十二年勅西北路招討司督習武備

按金史世宗本紀大定二十二年三月命尚書省申

勅西北路招討司勒猛安謀克官督部人習武備

大定二十六年詔諸路招討司教練軍士

按金史世宗本紀大定二十六年九月庚寅上謂宰

臣曰西南西北兩路招討司地隘猛安人戶無處團

獵不能閱習騎射委各猛安謀克官依時教練其弛

慢過期及不親監視並決罰之

章宗明昌六年詔諸路農隙講武

按金史章宗本紀明昌六年五月乙巳詔諸路猛安

謀克農隙講武本路提刑司察其惰者罰之

承安三年設官專掌教習武事

按金史章宗本紀承安三年正月丁巳併上京東京

兩路提刑司為一提刑使副兼安撫使副安撫專掌

教習武事毋令改其本俗

承安四年詔訓練軍士

按金史章宗本紀不載 按續文獻通考承安四年

九月詔訓練軍士

泰和八年十一月御臨武殿試護衛

按金史章宗本紀云云

宣宗貞祐二年九月庚辰詔訓練軍士

按金史宣宗本紀云云

貞祐二年勅諸路長武訓練義兵

按金史宣宗本紀貞祐三年三月丙寅勅河東河北

大名長武官訓練隨處義兵鄰境有警宜其抹援

興定二年令河東各路訓練軍士

按金史宣宗本紀興定二年六月甲辰樞密院言諸

道表稱大元集兵應州飛狐將分道南下觀其意不

在河北而在陝西河東各路義士士兵蕃漢弓箭手

宜於農隙教閱以備緩急

哀宗天興二年八月丁丑上閱兵於見山亭

按金史哀宗本紀云云

元

世祖中統二年教習武衛軍

按元史世祖本紀中統二年八月以宋降將王青為

總管教武衛軍習射

至元七年秋七月乙丑開實諸路砲手

按元史世祖本紀云云

至元九年詔閱軍籍

按元史世祖本紀至元九年春正月詔元帥府統軍

司總管萬戶府閱實軍籍

至元十六年教練鄂州漢陽水軍

按元史世祖本紀至元十六年十一月戊子命湖北

道宣慰使劉深教練鄂州漢陽新附水軍

至元二十二年江中習水戰

按元史世祖本紀至元二十二年十二月己亥江淮

行省以戰船千艘習水戰江中

至元二十三年十月癸丑諭江南各省所統軍官教

練水軍

按元史世祖本紀云云

至元二十五年閱習水戰

按元史世祖本紀至元二十五年六月乙丑詔蒙古

人總漢軍閱習水戰

成宗大德五年詔選六御扈從漢軍習武事

按元史成宗本紀大德五年十一月丁未選六御扈從漢軍習武事仍禁萬戶以下母令私代犯者斷罪有差

武宗至大四年勅諸衛漢軍練習武事

按元史仁宗本紀至大四年三月帝即位冬十月壬

辰勅諸衛漢軍練習武事

仁宗皇慶元年命官教練水軍

按元史仁宗本紀皇慶元年夏四月庚午命浙東都

元帥鄭祐同江浙軍官教練水軍

延祐元年設法教練士卒

按元史仁宗本紀延祐元年十月監察御史言乞命樞密院設法教練士卒一應軍官襲職者試以武事而後任之制曰可

而後任之制曰可

延祐七年閱實行省戍兵

按金史英宗本紀延祐七年三月帝即位十一月遣

使閱實各行省戍兵

英宗至治三年教習砲法

按元史英宗本紀至治三年春正月遣回回砲手萬戶赴汝寧新蔡遵世祖舊制教習砲法

泰定帝泰定三年簡閱邊兵

按元史泰定帝本紀泰定三年八月乙亥遣乃馬台簡閱邊兵十一月御史言比年營繕以衛軍供役廢

武事不講請遵世祖舊制教習五衛親軍以備扈從不報

泰定四年詔教閱諸衛軍

按元史泰定帝本紀泰定四年二月詔同僉樞密院事燕帖木兒教閱諸衛軍

按續文獻通考四年二月詔同僉樞密院事燕帖木兒教閱諸衛軍陣有奇正人有坐作兵有擊刺必耳金鼓目旗幟千萬夫如一人而始可

欽定古今圖書集成經濟彙編戎政典

第七十一卷目錄

校閱部彙考五

明一太祖吳元年一則 洪武十四則 英宗正統
三則 永樂五則 宣宗宣德四則 英宗正統
三則 代宗景泰三則 英宗弘治八則 武宗正德三
宗成化六則

戎政典第七十一卷

校閱部彙考五

明一

太祖吳元年將討張士誠大閱將士

按續文獻通考太祖吳元年春三月大閱時張士誠據兩淮未下太祖議征討遂揀將士更制編伍命鎮撫居明領之分隊習戰勝者賞銀十兩其傷而不退者亦稱勇敢士賞銀有差因諭之曰刀不素持必致血指毋不素操必致傾業弓馬不善習而欲攻戰未有不敗者吾故令汝等練之汝等勇健若此臨敵何憂不克爵賞富貴惟有功者得之又謂起居注詹同日兵不貴多而貴精多而不精徒累行陣近來軍中募兵多有冗濫故特戒之冀得精銳庶幾有用也又按續通考初定鼎金陵置五軍營設大教場在都城外南二里小教場在國子監之右望皇城迤西洪武四年分遣徐達鄧愈往北平襄陽訓練軍馬按大政紀洪武四年正月丁亥命中書左丞相徐達往北平操練軍馬繕治城池詔濟南濟寧青州萊州

徐州等衛悉聽達節制戊子命衛國公鄧愈往襄陽訓練軍馬

洪武六年定教練軍士及遣官練兵北平

按明會典凡操練洪武六年定教練軍士律騎卒必善馳射及鎗刀步兵必善弓弩及鎗凡射十二箭內六箭遠可到近可中者為試中遠可到將士以一百六十步軍士以一百二十步近可中以五十步凡射弩每用十二箭內五箭遠可到蹶張以八十步划車以六十步凡用鎗以進退習熟為試中凡在京衛所每一衛以五千人為則內取一千人令所管指揮千百戶總小旗領赴御前試驗餘以次輪班在外都司衛所每衛五千內取一千人令千百戶總小旗領赴京師一體試驗餘以次輪班其所試軍士如騎卒騎射便熟善鎗刀步軍善弓弩及鎗者所管指揮千百戶總小旗各以其能受賞不中者降罰軍士中者受賞不中者亦給錢六百文為道里費指揮所管軍士一千人內三百人至四百人不中者住俸四箇月四百人至五百人不中者住俸半年五百人至六百人不中者住俸十箇月六百人以上至七百人中者住俸一年七百人以上不中者指揮使降同知同知降僉事僉事降千戶千戶所管軍士一千人內二百人至四百人不中者住俸半年四百人至六百人不中者住俸一年六百人以上不中者降百戶百戶所管軍士一百人內二十人至四十人不中者住俸半年四十人至六十人不中者住俸一年六十人以上不中者降充總旗總旗所管五十人內二十五人以上不中者降所管十八人內五人以上不中者皆降為軍在中

京衛所發廣西南寧柳州守禦在外衛所北方者發極南烟瘴地方南方者發迤北極邊衛分守禦各都指揮使司所試軍士四分以上不中者住俸一年六分以上不中者都指揮罷職

按大政紀洪武六年正月壬子命吉安侯陸仲亨偕大都督何文輝往北平練兵防禦戊午命中書省臣同大都督府御史臺六部議教練軍士律

洪武十年命監玉練兵東昌

按大政紀十年正月命都督僉事藍玉練兵東昌

洪武十一年命湯和等練兵臨清

按大政紀洪武十一年正月命信國公湯和率列侯韓政郭興俞通源黃彬練兵臨清以聽調遣

洪武十六年令天下衛所較射及命徐達練兵

按明會典凡操練洪武十六年令天下衛所善射者十選其一于冬月農隙輪班赴京較試不中者罰其指揮千百戶中者賞鈔五錠連中者六錠中不及者三錠不中者亦給道里費各邊軍士就本衛較射

凡考閱洪武中今京營士馬之數按月開報

按大政紀洪武十六年正月命魏國公徐達率列侯郭興趙庸薛顯出鎮北平訓練士卒

洪武十八年十月命蜀王閱武於中都

按明通紀云云

洪武二十二年分命各省將臣練習軍馬

按大政紀洪武二十二年二月己未詔涼國公藍玉往四川經理城池整練軍馬四月遣使勅魏國公徐允恭開國公常昇曹國公李景隆及列侯葉昇陸仲亨韓勳胡海趙庸吳高孫恪費聚簡閱湖廣各衛軍

士練習備邊

洪武二十三年命唐勝宗張龍練兵貴州

按大政紀洪武二十三年正月命延安侯唐勝宗同鳳翔侯張龍往平越鎮遠貴州諸處訓練軍士

洪武二十四年分命武臣練兵各省

按大政紀洪武二十四年正月命都督劉真創甘肅城池操練軍士戊申勅賴國公傅友德率列侯王弼郭英於邵徐勝充濟南平山德州樂安及北平都司屬衛選精銳軍士訓練備邊五月詔漢衛谷慶寧岷六王練兵臨清

洪武二十五年命馮勝傅友德練兵山西河南

按大政紀洪武二十五年十二月戊戌命宋國公馮勝爲總兵官賴國公傅友德爲之副訓練山西河南軍馬及領屯衛其餘公侯都督悉聽節制

洪武二十六年命耿炳文陝西練軍

按大政紀洪武二十六年三月命長興侯耿炳文訓練陝西軍馬

洪武二十七年分遣武臣校練鎮兵

按大政紀洪武二十七年三月命魏國公徐輝祖安陸侯吳傑往浙江訓練海上軍士同都督楊文等防倭丙午詔武官子弟習騎射六月甲戌命安陸侯吳傑未定侯張全率致仕武官往廣東訓練沿海衛所官軍以備倭寇九月庚申遣中使諭陝西都指揮使司訓練將士候來春征討西番

洪武三十一年勅徐輝祖練兵山東

按大政紀洪武三十一年八月進魏國公徐輝祖曹國公李景隆祿秩勅輝祖練兵山東

洪武三十二年分遣徐凱耿繼練兵

按大政紀洪武三十二年三月勅都督徐凱練兵臨清都督耿繼練兵山海關

成祖末樂年撥近京衛所官軍上操立三大營

按明會典國初設京營隸大元帥府後改五軍都督府以訓練在京官軍未樂間遷都又於中都大寧山東河南附近衛所摘撥官軍輪班上操以內衛京師外備征伐名曰三大營又按會典國初立大小教場以練五軍將士未樂初既有五軍營又有三千營以司寶蓋令旗神機營以司神鎗火器名曰三大營管操官曰提督各哨分管官曰坐營曰坐司俱兵部奏請于公侯伯都督都指揮內推選後兼用內臣神機火器特令監之曰監鎗又有掌號把總把司把牌等官俱於都指揮指揮內推選

五軍營提督內臣一員武臣二員掌號頭官二員

大營坐營官一員把總二員

中軍坐營官一員馬步隊把總各二員左掖右掖左哨右哨官俱同管操練京衛及中都留守司山東河南大寧三都司各衛輪班馬步官軍十二營

把總二員管隨駕擺列馬隊官軍

圍子手坐營官一員一司二司三司四司各把總二員管操練上直又刀手及京衛步隊官軍

幼官舍人管坐營官一員幼官營把總一員舍人營一司二司三司四司各把總一員管操練京衛

幼官及應襲舍人

彈忠効義營坐營官一員把總各一員管操練京衛報効舍人餘丁舍人營日彈忠餘丁營日効義

衛報効舍人餘丁舍人營日彈忠餘丁營日効義

衛報効舍人餘丁舍人營日彈忠餘丁營日効義

三千營提督內臣二員武臣二員掌號頭官二員坐司官五員見操把總三十四員上直把總十六員明甲把總四員

一司管執大駕龍旗寶蓋勇字旗負御寶及兵仗局什物等件上直官軍一司管左右二十餘勇字旗大駕旗壽金鼓等件上直官軍一司管傳令營令旗令牌御用監盔甲尚冠尚衣尚履什物等件上直官軍一司管執大駕勇字旗五軍紅盔貼直官軍上直官軍一司管殺虎手馬轎及前哨馬管上直明甲官軍隨侍營隨侍東官舍遼東備禦回還官軍

神機營提督內臣二員武臣二員掌號頭官二員

中軍坐營內臣一員武臣一員其下分爲四司各

監鎗內臣一員把司官一員把牌官二員

左掖坐營內臣一員武臣一員其下分爲三司各

監鎗內臣一員把司官一員把牌官二員

右掖坐營內臣一員武臣一員其下分爲三司各

監鎗內臣一員把司官一員把牌官二員

左哨坐營內臣一員武臣一員其下分爲三司各

監鎗內臣一員把司官一員把牌官二員

右哨坐營內臣一員武臣一員其下分爲三司各

監鎗內臣一員把司官一員把牌官二員管操演

神銃神砲等項火器五千下坐營內臣一員武臣

一員其下分爲四司各把司官二員管操演火器

及隨駕護衛馬隊官軍

按續文獻通考初立大小教場以練五軍將士未樂初既有五軍又有三千營以司寶蓋令旗神機營以

司神鎗火器是為三大營各營管操者曰提督各哨分營官曰坐營曰坐司俱本部奏請於公侯伯都督都指揮內推選未樂開始開用內臣而神機火器則特命內臣監之曰監鎗又有掌號把總把司把牌等官皆於都指揮內推選又京營之制主訓練在京官軍永樂遷都又於中都大寧山東河南附近衛所摘撥官軍輪班上操以內衛京師外備四方征伐云

又按通考五軍營曰中軍曰左掖曰右掖曰左哨曰右哨管操練京衛及中都留守司山東河南大寧三都司各衛輪班馬步官軍又有十二營管隨駕擺列馬隊官軍圍子手營管操練上直又刀手及京衛步隊官軍幼官舍人營管操練京衛幼官及應襲舍人彈忠効義營管操練京衛報効舍人餘丁皆五軍之支分也未樂初始以龍旗寶纛下一千人立三千營分五軍一管執大駕龍旗寶纛勇字旗負御寶及兵仗局什物等件上直官軍一管左右二十隊勇字旗大駕旗纛金鼓等件上直官軍一管傳令營令旗令牌御用監盜甲尚冠尚衣尚履什物等件上直官軍一管執大駕勇字旗五軍紅盔貼直官軍一管殺虎手馬轎及前哨馬營上直明甲官軍又有隨侍營隨侍東宮官舍遼東備禦回還官軍此則三千營之支分也後未樂開因征交趾得其神機火箭之法遂立神機營亦設中軍左掖右掖左哨右哨各有坐營把司把牌等官管操演神銃神砲等項火器又有五千下者因得都督譚廣馬五千匹今謂之譚家馬者即此亦另置坐營把司等官統之此則神機營之支分也按三大營居常則五軍以肄營陣三千以肄巡

哨神機以肄鎗手如大駕親征則大營居中營外分駐五軍步卒居內騎卒居外其外為神機營又其外為長圍各周二十里樵採皆不得出圍外

永樂八年大閱於行在

按大政紀永樂八年二月丁巳駐蹕宣府閱武營內癸亥命鎮守大同江陰侯吳高操練山西大同天城陽和等處軍馬整理城池節制山西都司行都司及太原三護衛官軍甲子駐蹕興和閱武營外上指揮將士坐作進退折旋無不如旨顧尚書方賓學士胡廣侍講楊榮金幼孜曰節制之師庶幾可用然教練貴熟孔子曰教民七年可使即戎朕每御師未嘗恃其已習而輟操練故往往得用英國公張輔至自交趾入見命提督操練宣府萬全興和等處軍馬整治城池屯堡烟墩仍聽趙王調用乙丑大閱興和兵三月甲戌駐蹕鳴鑾戊戌亥上大閱誓師於鳴鑾戊時軍陣繚互數十里師從甚盛戈甲旗旄輝煌蔽日鐵騎騰躍鉦鼓鉤震瓦剌使者望之駭愕曰天兵如此孰敢擾其鋒者上聞之顧謂學士胡廣等曰國家無所用兵乃善朕久厭之矣今日此舉非得已也然治兵最難纖毫舉動當謹廣曰孔子所慎齋戰疾上曰孔子言吾戰必勝祭必受福惟誠敬之至其效可必廣曰誠如聖諭上罷閱召諭從征將士以唐薛仁貴宋秋青自勉悉賜之酒食

永樂十二年定行軍號令大閱軍士於行在按明會典凡行軍號令永樂十二年令凡交鋒之際突入賊陣透出其背殺敗賊眾者敢勇人陣斬將率旗者本隊已敗賊眾別隊勝負未決而能救援克敵

者受命能任其事出奇破賊成功者皆為奇功齊力進前首先敗賊者前隊交鋒未決後隊向前殺敗賊眾者皆為頭功凡建立奇功頭功者其親管頭目即為報知安報者治以重罪行營及下營之時擒獲奸細者陞賞准頭功哨馬生擒寇賊一人者賞銀三十兩斬首一級者二十兩凡行營之時遇有鞍馬衣服器械不同者衣甲器械相同而喝問答號不同者皆即擒之來降寇賊所攜人口財產分毫不許侵犯即時來報凡與賊對陣須齊力殺賊不許聚為一處掣拽空缺如力不能支不能決勝無勇無謀及不盡力殺賊者全伍皆斬凡隊伍已定不許馬軍入步隊步隊入馬隊違者重罪如臨陣混戰失其本隊插入別隊者不拘凡殺敗寇賊須盡力進剿不許搶掠人畜財物違者重罪如所乘馬困乏許以所擒賊馬換乘凡對敵之際一隊遞看一隊有不齊力前進者戰勝之後連隊之人首告治以重罪容情不首者罪同凡管軍頭目須愛恤軍士亦聽令不許怠慢如伍中有一人不在小旗報總旗總旗報百戶以次報至總兵官總兵官奏知從征官軍有在逃者斬該管頭目不報者重罪凡軍士須人馬相應不許以輒弱不堪者插入隊伍如人壯馬弱或馬壯人弱者許弱者以馬與壯者若自己已有馬臨戰之際能借與驍勇者殺賊有功許借馬人分賞不顧分者聽其戰馬臨敵許騎無事騎者治罪各營馬驢須愛恤該管官時常點閱有故違及將軍器拋失或盜賣者俱重罪凡軍士行糧該管官旗時行點閱有過用及遺棄者并該管頭目皆斬凡軍行及下營之時須各認隊伍不許

擅離及雜入別營別隊違者併該管頭目俱重罪凡夜行相遇即喝問有答號不得者擒送辨驗果是好細照例陞賞故不答號及見而不擒者事覺俱治以重罪凡軍中遇夜以各樣大小銅角笛聲為號不許聲音相同各聽號聲識認隊伍不許叫營違者論罪但夜間有喧嘩者即問所起之處及左右應聲之人與該管頭目皆治以重罪凡行營須待大營旗肅起行或聽駕前銅角聲各營方許起行每日下營量撥步軍或五隊十隊馬軍五隊或三四隊步軍披甲馬軍不摘鞍伺候長圍及架砲者布列已定方許人營休息有盜人衣糧諸物及盜驢馬宰殺并檢括隱藏人遺失物者俱斬知情實首者給賞知而不首者同罪若收得馬驢騾者即送該軍轉送大營召人議認如有遺失被後哨官軍收獲者收後官治以重罪凡各營有失火者即是與賊遞送消息并該管頭目俱重罪其每日行營不許在途炊飯違者并本管頭目皆斬下營掘井必令人監守不許作踐及占藏自用凡軍中有病者管隊官旗即令醫藥掌藥料官及醫士常加巡視不許勒取財物違者重罪凡長圍及坐冷者須晝夜關防各營架砲者務依方瞭望有灰塵揚起人馬往來若聞哨馬營及四面砲響即時傳報其管事官遇有事隨即飛報不許頃刻遲慢凡掠陣官臨敵時視有畏避退後者即斬之紀功過官遇有功者即紀之有過者即錄之以憑賞罰凡臨陣令內官持象牙牌視有勇敢當先殺賊能立奇功頭功者即與牙牌收執徑赴大營給與勘合以憑陞賞凡軍中有妄談災異及妖言或漏洩軍機者皆斬知情

不首者罪同首實者重賞凡見鹿及野馬黃羊諸物驚走突入營伍及望見塵起及旋風揚沙野獸騰踏及見死馬牛羊與牛羊駝馬遺穢蹤跡或拾得一應物件若男女衣服首飾并文字等項不論久近隨即報知凡軍行在道不許圍獵或遠望似馬非馬似鹿非鹿似人非人白日見煙入夜見火不論是非即報凡功次務須實報有虛誣者重罪所報實者給與勘合無勘合者不准陞賞凡號令總兵官告都指揮都指揮告指揮指揮告千戶千戶告百戶百戶告總旗總旗告小旗小旗告軍士務令遵守
按大政紀末樂十二年三月庚寅軍駕發北京四月甲辰朔駐蹕興和己酉大閱軍士於沙城五月癸酉朔駐蹕楊林戊戌大閱武
永樂十三年勅各省武臣選兵赴京閱視
按大政紀末樂十二年十一月勅諭甘肅夏大同遼東諸守將及河南山東山西陝西各都司中都留守司徐宿淮邳淮安揚州武平歸德睢陽潼關諸衛選所屬步騎兵遣能幹指揮千戶百戶統領操練俟赴北京閱視
永樂二十年大閱兵將於雲州
按大政紀末樂二十年三月戊寅軍駕發北京四月乙卯駐蹕雲州閱兵上顧謂侍臣曰今從征之士各處簡擇來者若不閱習何以禦敵兵法以虞待不虞者勝又曰設備於已失之後者非上策朕所以慎重而不敢忽也丁卯大閱諸將上曰兵行同水水因地而順流兵因敵而作勢水無常行兵無常勢能因敵變化取勝者謂之神今先使之習熟行陣猝遇寇

至左則左右則右前則前後則後無往不中節矣戊辰觀士卒射有一小旗三發皆中賜牛羊各一鈔二錠銀碗二上日重賞則人勸是日上親製三曲俾將士歌以自勵
宣宗宣德元年定春秋輪操官軍員各
按明會典凡輪操宣德元年調河南山東大寧都司中都留守司直隸淮揚等衛及宣府軍士至京操備令每歲輪班往來原額春秋兩班官軍一十六萬員名中都四萬一千九百六十員名河南一萬四千六百四十九員名山東三萬二千六百一員名大寧七萬七百九十員名
宣德三年巡邊閱武
按明通紀宣德三年八月車駕巡邊閱武
宣德四年巡邊閱武
按明通紀宣德四年七月上巡邊校獵閱武尋還京宣德十年令太監王振閱武於京營又遣羅亨信練兵莊浪
按大政紀宣德十年七月命司禮監太監王振偕文武大臣閱武於將臺振矯旨超陞隆慶右衛指揮僉事紀廣為都指揮僉事十月擢監察御史羅亨信為僉都御史往甘涼莊浪等處練兵備邊
英宗正統元年閱武於將臺
按大政紀正統元年十月望車駕閱武於將臺上命諸將騎射以三矢為率受命者萬餘惟駙馬都尉井源灣弓躍馬三發三中萬人喝采聲徹天地上亦大喜撤上尊賜之
正統十一年閱武

按大政紀正統十一年十月閱武近郊

正統十四年定各省班操日期及行軍號令

按明會典凡輪操正統十四年令外衛輪班京操者

前班三月還八月到後班八月還大年三月到河南

山東北直隸強壯官軍皆隸前班 凡行軍號令正

統十四年令每隊伍中立公正掌令官二人務令頭

目軍士死生相顧臨陣有進無退若頭目不顧軍士

先自退怯者掌令官即斬其首別選頭目代之若軍

士不顧頭目先自退怯者許後隊斬前隊准常功陞

賞軍士不勇不進致頭目失陷者斬其全隊頭目不

勇不進致軍士失陷十人者斬首至二十人者斬首

不與承襲至三十人及全隊者斬首籍沒其家凡軍

士頭目應斬而有奇功者量與贖免其總兵官申令

不明不嚴致一隊退怯者罰俸一年至三十隊者降

二級至五十隊以上者罷職全軍退怯者斬但降敵

者全家斬首籍沒財產行軍之際有敢搶擄民財至

十貫以上者斬首示衆頭目縱容軍士搶擄至十人

者罷職充軍二十人以上至全隊者梟首營門軍士

並皆處死軍中及召募新來之人不知軍法敢有造

言惑亂人心阻撓號令致壞事機者凌遲處死籍沒

其家臨陣在逃及不聽總兵號令者斬

代宗景泰元年命兵部採用王淳練兵圖

按大政紀景泰元年六月乙酉五軍坐營都督指揮

食事王淳進練兵圖八本詔兵部同各營總兵官采

用之

景泰三年以京營分立十營團操名曰團營
按明會典三大營景泰三年分爲十營 又按會典

景泰初選大營精銳官軍分立十營團操以備警急

調用名曰團營每營官軍一萬員名其提督及坐營

掌號把總等內外官員做三大營之制而命本部尚

書或都御史一員提督 又按會典凡考閱景泰三

年令營操軍士有納賄買閒者御史訪察兵部委官

分行點視赴操過限三個月者軍發邊衛官降三級

終身守邊 凡督理戎政等官景泰初年選精兵團

練以兵部尚書或都御史領之

按大政紀景泰元年五月立京團營操法依會典附三年

于謙以京師兵馬分隸五軍神機三千諸營者雖

各有總兵然不相統一每遇調遣選摘湊撥號令

不同兵將不相識或至誤事乃議揀選諸營馬步

官軍一十五萬分爲十營每營各以都督總領每

五千用都指揮一員每千又用指揮一員把總每

五百名用指揮十員分管每隊用管隊二員常領

在營操練統體相維兵將相識出征就令原管都

督等官統領前去號令歸一行伍不亂團營之設

自此始

景泰四年遣鄭林操練團營

按大政紀景泰四年八月命兵科給事中鄭林操練

團營軍士

英宗天順四年御西苑閱將臣騎射

按明通紀天順四年十月上御西苑閱將臣騎射令

三營管操侯伯都督指揮皆騎射以三箭爲率上親

按籍記中否賜鈔有差既而試御馬監勇士亦如之

有畏避不趨事者罪黜之自是將士咸加警畏知所奮勵云

天順八年復三大營制遣御史巡察操軍

按明會典三大營之制天順初罷八年復置 凡考

閱天順八年差給事中御史各一員巡察各營上操

軍士

憲宗成化元年定團營會操日期及軍士違犯號令

之律

按明會典凡操練成化元年令大營提督官每月二

次赴團營會操每年二月十五日上操五月十五日

止八月十五日上操十一月十五日止歇操之日仍

十日一起教場點視 凡行軍號令成化元年令總

兵官出師臨敵軍士有違犯號令者聽以軍法從事

尋常出哨等項不許

成化三年分京操爲十二團營及令查勘軍冊

按明會典三大營景泰三年分爲十營成化三年分

爲十二團營 凡考閱成化三年令各營官軍糧冊

每三年兵部委官同科道官清查凡軍士有事故者

每季委官查勘三個月一開報操官在逃者每月類

奏

按大政紀成化三年四月復十二團營命太子少保

兵部尚書白圭不妨部事提督操練

成化九年大閱內苑

按明通紀成化九年十月上閱武於內苑公侯而下

皆騎射英國公張懋三發連中上大嘉賜鈔千貫白

金五十兩金帶一束尋命掌中軍都督府事提督五

軍營

成化十二年定班操官軍違限之例
按明會典凡輪操成化十二年令輪操官軍有違限

一個月之上者參問其撥補逃故等項違兩個月之上者解人連坐若軍士一班不到者罰班六個月軍兩班官一班不到者發居庸密雲山海關罰班六個月軍三班官兩班不到者發大同宣府邊衛罰班一年官三班不到者發邊衛罰班一年半其補班月日各另扣算俱先送法司問罪畢日免其納鈔杖斷送回兵部發遣自首者止問越關等罪照例補操罰班免發邊衛若見操再逃一次至三次應罰操者比前例通減一等前項自首及該班不到并承批管解捏故軍職俱不必奏奏徑自送問

成化十八年撥定十二營官軍聽候調用

按明會典團營天順初罷八年復置成化初罷三年復置分爲十二營十八年以邊警令定撥官軍聽候調用

奮武營坐營內臣一員武臣一員號頭一員把總二十員所隸錦衣衛燕山右衛府軍右衛虎賁右衛和陽衛大寧前衛蔚州左衛

耀武營所隸燕山左衛前衛武德衛義勇右衛忠義後衛

練武營所隸金吾右衛留守右衛應天衛

顯武營所隸府軍左衛羽林左衛右衛武功左衛虎賁左衛濟陽左衛右衛驍騎右衛神策衛與武衛龍驤衛

敢勇營所隸羽林前衛留守中衛忠義右衛神武中衛

果勇營所隸旗手衛濟陽衛武功中衛留守後衛忠義前衛

効勇營所隸未清右衛義勇前衛神武左衛鼓勇營所隸彭城衛金吾前衛後衛府軍衛豹韜衛神武後衛

立威營所隸未清左衛府軍後衛龍虎衛大寧中衛義勇後衛

仲威營所隸金吾左衛濟州衛留守前衛鎮南衛寬河衛

揚威營所隸武功右衛府軍前衛振威營所隸通州衛大興左衛留守左衛富峪衛會州衛

十二營內各分五軍三千神機三營五軍營管內外馬步官軍三千營管內外馬隊官軍神機營管內外步隊官軍

成化十九年定點開操軍及選軍團操之例按明會典凡考閱成化十九年題准今後給事中御史點開官軍照舊明白赴營抽除摘點如有不到追究下落干礙坐營把總等官指責奏奏 凡選補成化十九年議准揀選在京七十七衛官軍一等者送團營二等者送五軍等營各操練

孝宗弘治元年定衛所班操以都御史提督京營按明會典凡輪操弘治元年令都司衛所除軍政守城管操管運外餘分兩班輪操五年一代週而復始凡督理戎政官弘治元年以都御史提督領勅行事後以兵部尚書兼提督

弘治六年定考選操營號頭五年一次按明會典凡考閱弘治六年奏准兵部提督官會同該營總兵官通將各營號頭照依軍政事例從公考

選年力精壯謀勇可取者存留管事老病貪婪誤事害軍者黜退差操另於聽缺并隨任官員內推補以後仍五年一次會考

弘治十一年定班操軍官賞罰及點開科道官一年一換

按明會典凡輪操弘治十一年題准官軍依期數足聽兵部行巡撫衙門將掌印官量加獎勵若違限及少軍查例行巡按御史提問仍監追軍完解部復有批廻方許復職 凡考閱弘治十一年題准點開京營科道官一年一換不許別項推諉

弘治十三年定操軍逃避之例按明會典凡輪操弘治十三年奏准輪操官軍逃在京城內外潛住者初犯打七十再犯打一百送操官旗無力納鈔者就在原問衙門單衣決打若逃回原衛原籍者以越關論逃三次者不分革前革後各免決打納鈔京衛調外衛外衛調邊衛俱帶俸食糧差操又令該操官員故行構訟不肯赴操者聽撫按官起解赴部發操如有抗拒或挾私排陷者調邊衛帶俸其輪操軍士沿途劫財殺傷人命占奪車船作踐田禾等項除真犯死罪外徒罪以上發邊衛充軍其管操官不行鈐束并故縱者參問調衛 凡行軍號令弘治十三年奏准凡官軍遇有征調點選已定避難在逃者依律問斷若征期已過發宣府獨石等處沿邊哨瞭半年滿日回衛若仍發出征及哨瞭而復逃者依從征私逃再犯者律處絞

弘治十四年選團營馬步三萬聽調按明會典凡聽征人馬弘治十四年令選團營官軍

三萬員名以將官一員管馬隊二員管步隊聽候調遣

弘治十五年發保定京操軍回衛團操

按明通紀弘治十五年春發保定京操軍回衛團操先是上欲於附近地方團操人馬以爲京師左右掖以間劉大夏對曰京西保定府地方獨設都司統五衛仰思祖宗恐亦是此意未幾一御史陳言奏將保定兩班一萬餘人回衛團練奏入上可之遂勅都指揮戴儀往任其事乃有造飛語帖于宮門以誣大夏上曰宮門豈外人可到必此曹忿不得私役此軍者所爲耳

弘治十七年定團營操法及私役操軍者降調

按明會典凡操練弘治十七年定團營操法每五日之內二日走陣三日演習武藝凡考閱十七年令各營號頭把總等官有將操軍撥送權門私役五名以上降一級二十名以上降二級若至五十名以上降三級仍調外衛識字旗軍人役改撥邊衛充軍弘治十八年遣官清查閒軍送操

按明會典凡選補弘治十八年題准差郎中一員會同選軍科道弔取各衛食糧并賞賜文冊清查空間旗軍送各營操練

武宗正德六年更十二團營爲東西兩官廳及輪操考閱例

按明會典十二團營正德六年更爲東西兩官廳又按會典凡輪操正德六年奏准各處地方災傷六分以上者京操官軍先行放回五分以下者仍舊存操凡考閱正德六年以春秋初操二次閱視太密

奏准每三年一次兵部奏請舉行

正德八年令坐營號頭等官在營操練

按明會典凡操練正德八年奏准提督各營坐營并號頭等官於常操之後俱令在營操練

正德十一年令特舉將官提督團營

按明會典凡聽征人馬正德十一年令舉曾經戰陣謀勇兼著將官一員假以副都督名目公同提督團營大臣挑選人馬如法訓練以備緩急又令於團營內揀選官軍一萬員名在東官廳操練

按續文獻通考武宗正德間有獻密計者托言京軍不習戰陣欲遣宣府邊軍三千入衛京師而以京軍充數成邊每歲春秋番換如班操例上遣司禮監谷大用至閣議大學士李東陽力辯以爲不可大用曰此事非我輩所爲自有先入之言牢不可破姑俟再議東陽退而具揭帖奏云宣府京師北門切近邊人十分緊要朝廷屯戍鎮兵分地防守尚恐不給每年河南等處邊軍輪班備禦近因劉七猖獗動調官軍乃是一時權宜亦非得已況今正是防冬時月縱使京軍在彼徒爲勞擾亦難濟事祖宗百餘年來未嘗有此恐傳聞四方未免驚疑臣等未敢輕議如謂聖駕看牲在邇欲比常加意竊見總兵御未見在滄洲宜令兵部密切行文暫帶領邊軍近京駐劄事畢之日仍令還鎮庶事體穩當人心安靖時廷議皆謂邊軍不可調入已而上坐乾清宮司禮監文書官迫令擬票東陽具題極言其不便明日遂內降行之於是江彬許泰劉暉等皆領兵赴京都人稱爲四家兵云諸邊緣此有寵於上彬九近狎用事邊卒素悍又恃

幸益驕悍侵暴民苦不堪時上命入西內肆習令彬等爲營陣校騎上戎服臨視禁中銃砲之聲不廢彬竟以逆誅天下紛然

欽定古今圖書集成經濟彙編戎政典

第七十二卷目錄

校閱部彙考六

明二世宗嘉靖二十七年則 穆宗隆慶五則
神宗萬曆八則

戎政典第七十二卷

校閱部彙考六

明二

世宗嘉靖元年考驗團營官軍

按明會典凡考驗嘉靖元年奏准三年一次會官考驗團營官軍弓馬武藝察其平昔賢否分別等第奏請去留

嘉靖四年責成軍官督率操軍上班及嚴管官役占之例

按明會典凡輪操嘉靖四年議准官軍上班有兵備去處責成兵備無兵備去處責成該道分巡親臨督併起程其月糧徵完布政司佐貳官一員帶赴總會便道都司佐貳官一員帶軍冊候官軍到彼唱名給散 凡考閱嘉靖四年令點營科道并驗軍委官備查團營官軍每營務足一萬之數今後凡有與作不許擅便奏討坐營號頭把總等官仍要加意撫恤有私自影射及額外役占俱退出原伍差操違犯者科道官指實參奏從重究治

嘉靖六年特設御史提督團營又定大小操所用營陣武藝及撥官操練新選官軍

按明會典凡督理戎政官嘉靖六年題准特設都御史一員專一提督團營軍務領勅行事 又按會典凡操練嘉靖六年奏准該操之時提督官照常大操三日坐營官小操二日凡下營布陣不必拘泥古法止照常用三疊陣及四門方營其武藝勿止以弓箭為長技每營選箭手刀手鎗手牌手銃手銃手各一二人為教師使轉相教習長短相衡其號令坐營官督各管事官與衆軍士逐一講解使各通曉毋徒隨衆呼喊虛應故事 凡聽征人馬嘉靖六年令以參將二員統領新選官軍三千員名在東官廳操練總兵官一員調度

嘉靖十年定操軍脫班者除糧 按明會典凡輪操嘉靖十年議准今後脫班不到官軍俱自起程之日為始扣除俸糧還官不許朦朧冒支

嘉靖十三年定督教官賞罰

按明會典凡操練嘉靖十三年奏准號頭千把總等官督教一年之上戎政大臣會同兵部堂上官試驗教成八分者會薦陞賞六分以下者奏請罰治

嘉靖十四年設立南京演武場

按文獻通考嘉靖十四年設池河演武場在定遠縣東二十里時雖遷都於北而在南兵衛不廢且練習以時皆轄於兵部及操江都御史蓋以重根本而飭江防云

嘉靖十五年都御史王廷相疏陳團營之弊詔改大

興隆寺為講武堂

按續文獻通考世宗嘉靖十五年都御史兼提督團營王廷相上疏云即今團營內外官軍雖有十二萬之數而京衛撥去捕盜已五千六百員名外衛撥去各處做工及拽木等項常不下二萬有零雖云暫時借用而營伍經年空缺其見操者中間老弱疲羸不能執弓習藝者甚衆校閱之際已不堪觀脫有緊急邊情調遣又安望其投石超距奮勇以禦敵哉又團營軍士派之雜差撥之做工之拽木終歲不得入操困苦以勞其身而敵愾之氣縮縮以奪其習而弓馬之藝疎疎有團營聽征之名實與田畝耕耕之夫無異又軍士替役之難緣吏胥需索重賄貧軍不能辦此是以終年累月老弱在營苟且應役而精壯子弟不得收練又三大營挑選精壯以聽征有等富貴奸猾之徒懼營操出征之苦賄該管人員偽為不堪之數揀存本營其貧者不能營幹常川操練由斯三者軍士之所以不精力也丙申詔改大興隆寺為講武堂先是兵部以為言上諭輔臣曰大興隆寺宜改做講武堂又諭禮部尚書夏言曰雖是兵事係典禮卿部裏可具奏來言奏曰周禮大司馬每遇仲月因時教武惟冬農隙則大閱之在漢有會都平樂觀之講唐有都外驪山之講宋有近郊西郊之講歷代之典雖各不同然做古周制思預防蓋未始有二也太祖高皇帝經理淮甸親閱試將士太宗文皇帝靖難之後亦時加簡練是以國初名將疊出類皆文武兼資韜略素習威震沙漠策動關庭漢唐宋以來所未有也及今百七十餘年承平日久武備漸弛將